

Na osnovu člana 30. stava (1) tačke s) i stava (2) i člana 48. Zakona o plaćama i naknadama u institucijama Bosne i Hercegovine („Službeni glasnik BiH“, br. 50/08, 35/09 i 75/09) i člana 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 169. sjednici održanoj 21. decembra 2011. godine, donijelo je

ODLUKU

o dopuni Odluke o načinu i postupku ostvarivanja prava na naknadu za vrijeme produženog radnopravnog statusa izabranih lica i imenovanih zvaničnika u institucijama Bosne i Hercegovine

Član 1.

U Odluci o načinu i postupku ostvarivanja prava na naknadu za vrijeme produženog radnopravnog statusa izabranih lica i imenovanih zvaničnika u institucijama Bosne i Hercegovine („Službeni glasnik BiH“, br. 58/09 i 31/10) u članu 3. iza stava (1) dodaje se novi stav (2) koji glasi:

„(2) Izabranim zvaničnicima i nosiocima dužnosti, u smislu stava (1) ovog člana, smatraju se članovi Predsjedništva Bosne i Hercegovine, predsjedavajući, ministri i zamjenici ministara Vijeća ministara Bosne i Hercegovine, te direktor, zamjenik direktora i glavni inspektor Obavještajno-sigurnosne agencije Bosne i Hercegovine“.

Dosadašnji stav (2) postaje stav (3).

Član 2.

Odluka stupa na snagu narednog dana od dana objavljivanja u „Službenom glasniku BiH“.

VM broj 238/11
21. decembra 2011. godine
Sarajevo

PREDSJEDAVAJUĆI
VIJEĆA MINISTARA BIH
dr. Nikola Špirić

OBRAZLOŽENJE

I PRAVNI TEMELJ

Pravni temelj za donošenje Odluke o dopuni Odluke o načinu i postupku ostvarivanja prava na naknadu za vrijeme produljenog radnog statusa izabranih osoba i imenovanih dužnosnika u institucijama Bosne i Hercegovine sadržan je u članku 17. Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08), članku 30. stavak (1) točka s) i stavak (2) i članku 48. Zakona o plaćama i naknadama u institucijama BiH („Službeni glasnik BiH“, br. 50/08, 35/09 i 75/09) kojim je propisano pravo izabranih osoba i imenovanih dužnosnika u institucijama Bosne i Hercegovine na naknadu za vrijeme produljenog radnog statusa.

II RAZLOZI ZA DONOŠENJE ODLUKE

Razlog za donošenje Odluke o dopuni Odluke o načinu i postupku ostvarivanja prava na naknadu za vrijeme produljenog radnog statusa izabranih osoba i imenovanih dužnosnika u institucijama Bosne i Hercegovine sadržan je u potrebi detaljnijeg preciziranja ko se smatra izabranom osobom odnosno imenovanim dužnosnikom.

Naime, u dosadašnjoj implementaciji predmetne odluke pojavila su se različita shvatanja odnosno različita tumačenja ko se sve smatra izabranom osobom odnosno imenovanim dužnosnikom.

Donošenjem predmetne Odluke otklanjaju se navedene dileme.

III OBRAZLOŽENJE PREDLOŽENIH RJEŠENJA

Člankom 1. je precizirano da se izabranim dužnosnicima smatraju članovi Predsjedništva Bosne i Hercegovine, predsjedatelj, ministri i zamjenici ministara Vijeća ministara Bosne i Hercegovine.

Člankom 2. Odluka stupa na snagu narednog dana od dana objavljivanja u „Službenom glasniku BiH“.

IV POTREBNA FINACIJSKA SREDSTVA ZA REALIZACIJU ODLUKE

Za realizaciju Odluke o dopuni Odluke o načinu i postupku ostvarivanja prava na naknadu za vrijeme produljenog radnog statusa izabranih osoba i imenovanih dužnosnika u institucijama Bosne i Hercegovine nisu potrebna dodatna finacijska sredstva.